



Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Sammlung für allgemeine Landes- und kurfürstliche
Haus-Angelegenheiten

Riedel, Adolph Friedrich

Berlin, 1861

266. Quittung des Herzogs Erich von Braunschweig über sieben Tausend
Gulden Ehegelder, vom 19. November 1524.

Nutzungsbedingungen

[urn:nbn:de:hbz:466:1-56615](https://nbn-resolving.org/urn:nbn:de:hbz:466:1-56615)

266. Quittung des Herzogs Erich von Braunschweig über sieben Tausend Gulden Ehegelder,
vom 19. November 1524.

Von gots gnaden wir Eerich, Herczog zu Braunfwigk vnd lunenburg etc., Bekennen vnd thun kunt offentlich mit diesem Briue vor allermeniglich, als der hochgeboren furst, herr Joachim, Marggraff zu Brandenburg, des heiligen Romischen Reichs ertzcamerer vnd kurfurst, zu Stettin, pomern etc. Herzog, Burggraff zu Nurembergk vnd furst zu Rugen, vnser freuntlicher lieber Herr Vater vnd Oheim, vns seiner lieben thochter, die hochgebornne furstin, Frewlein Elifabet, zum Sacrament der Heiligen Ehe vnd zu einen ehelichen gemahel zugeben gelobt, zugesagt vnd dartzu zwanzig thaufent gulden neben ander auffertigung zu Heyratgelde versprochen hat, nach Meldung des heyrat Briues daruber aufgangen, So dann obgnanther vnser lieber her Vater vnd Oheim vns an derselben Summa der Zwentzick thaufent gulden heiratgelts funff thaufent gulden vergnugt vnd gantzlich wol betzalet hat zu dancke, wir auch seiner lieben Zwaythaufent gulden an derselben suma zu aufrichtung des eelichen beylagers eingelofft vnd nachgegeben, das wir vor vns, vnser erben vnd nachkomen obgemeltn vnsern hern vater vnd Oheim seiner lieben erben vnd nachkomen Sulcher Sieben thaufent gulden an der haubtsumma des heiratgelts queidt, ledig vnd losz gesagt haben, Quitiren vnd loszlagen der gemeltn vergnugten Suma der Siben thaufent gulden, wie obftet, sein lieb vnd seiner lieb erben jn crafft vnd macht dits Briues also, das sein lieb vnd seiner liebe erben von vns vnd vnsern erben vmb soliche berurte Sum hinfur nicht gemanet noch angelangt werden sollen. Wollen auch nach meldung des heirat Briues vnser freuntlichen lieben zugesagten gemahlen von stundt nach dem eelichen beylager jres widumbs, leipgedings vnd morgengabe verweyfen vnd verforgen, alles trewlich vnd vngeuerlich. Zu urkundt mit vnser aigen handt vnderschieden vnd anhangenden Ingeligell versigelt vnd geben am Sonnabendt sancte Elizabet, nach Cristi geburt thaufent Funffhundert, darnach jm vier vnd zwentzigsten.

Nach dem Churmärkischen Lehnscopialbuche VI, 88.